

Iyerbazen alemmas
Aswir wis 2 LL

Irem n ukad yur wis 2

Aseggas ayurbiz 2017/2018

Tanzagt : 1mr30

01/03/2018

Azemmur

Deg taggara n tmenzut, akken qqaren i **lexrif** watmaten-nney Icwiyen, timetti taqbaylit s umata tebgas iman-is yer ulqad n uzemmur. Ayrum ney seksu ur nedhin ara s zziit n uzemmur mačči d učči. Tikkelt-a, azemmur yurew; ma d ilindi, ulac mađi. Akka i qqaren yimwaren: Aseggas, azemmur yettarew; aseggas niđen, xađi.

Tawacult, tettnekkar zik, tettawi abrid n yiyewdan am twaculin niđen. Asemmiđ n tnezzayt, tikwal, igezzem **ifassen**. Imelqaden n uzemmur mi ara awđen s ayla-nse, ssiyien timess akken ad zzižnen acku yenya-ten facal d qajjar. Mi ara ten-iēddi uqrah-nni n usemmiđ, ad d-ssun icellafen ddaw n tzemmur. D irgazen i yettalin yef tzezmrin akken ad d-cerwen iēeqqayen n uzemmur yer daxel n ucerrae ney yer yicellafen-nni i d-ssan. Azemmur, ma yurew ulac am ucraw-is, ma d kra kan n yiēeqqayen i yettilin deg tsetta, dya nzewwi-ten-id s umextaf.

Amyar, d netta i d bab n wayla amezwaru, ma mazal yur-s cwiť n tezmert, ur yesserkad ara iman-is, ha-t-an da, iferres; ha-t-an dihin, ileqqem azebuj. Arrac xedmen-tent akk, ttawnen tilawin deg ulqad n leqwaēi, kessen lmal ney ttandin tixeftin d tqellaein i yimerga d yižerzuren. Icellafen, mi ara ččaren, ttarran azemmur-nni yer yiwen akken i yeshel ufran-is, yeeni tukksa n yiferrawen d yiqeccaden. Azemmur yettwafernen, ssurugen-t yer teqfacin simira ad t-rren s akurbi. Akurbi, ma yeččur, yettebbi-t **uyvul** yer lemeinsra i d-iqerben. Tikwal, ilemziyen ssawaden alamma d krađet n tteebgat deg yiwen wass. Tameddit, send ad yeyli yitiť, ttuyalen-d yimelqaden s axxam, ttađđan-n din icellafen d yisellumen, alamma ifukk uzemmur i ten-id-jemmeen s axxam.

D tarrawt n uzemmur i yessiwzilen ney i yessiyzifen akud n ulqad-is. Imawlan n uzemmur, ma walan yella lxir necden-d iwaziwen ara **ten**-ieiwnen.

Malek HUD, Timsirin n yid, Tira, Bejaia 2008, sb. 59-60.

I. Tigzi n udris akked tutlayt (12/12)

1. Acu-t usentel iyef d-yuwi umeskar deg uđris?...../1
2. Ameskar isegzay-d armud ney ansay?/1
2. Acu-ten wallalen i semrasen medden deg ulqad n uzemmur?...../1
3. Anda ttawin medden azemmur ay d-leqđen?...../1
4. Suffey-d seg uđris irmad niđen i d-yebder umeskar/1
5. Kkes-d seg tseddart tis snat, isem n umeskar tiniđ-d amek yuley/1
6. Imawlan n uzemmur, ma walan yella lxir necden-d **iwaziwen** ara ten-ieiwnen.
 - Deg sin n yijerriđen, ini-d acu i d tiwizi tefkeđ-d azal-ines deg tmetti taqbaylit/2
7. Efke-d tawuri n wawalen yettuderren deg uđris...../2
8. Sefti imyagen n tefyirt i d-iteddun deg wurmir s “ad”, akked wudem wis sin n wasuf “kečč”/2
 - ttawnen tilawin deg ulqad n leqwaēi, kessen lmal.

II. Afares s tira (8/8)

Tamnađt n Leqbayel, ggten deg-s yirmad : tayerza, azetđa, amsal n lqermud, tamegra, aserwet....

Fren yiwen n urmud taruđ-d ađris ideg ara t-id-tsegzuđ, ini-d :

- isem-is d melmi i d-yettili,
- amek i t-xeddmn medden,
- ayyer i t-xeddmn.

